



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-367/20
Sarajevo, 02.11.2020. godine

Na osnovu čl. 69. stav 1. tačka b) i stav 2. tačka d) i člana 70. stav 4. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, glavni tužilac Tužilaštva – Tužiteljstva BiH donosi

ODLUKU O
PONIŠTENJU POSTUPKA JAVNE NABAVKE

Član 1.
(Predmet odluke)

Poništava se postupak javne nabavke za LOT3 – Usluge servisiranja i održavanja službenih vozila Tužilaštva – Tužilaštva Bosne i Hercegovine, marke Hyundai, u ovlaštenom servisu.

Član 2.
(Razlog poništenja)

Postupak se poništava jer nije dostavljena niti jedna ponuda koja u potpunosti ispunjava uslove za nabavku predmetnih usluga.

Član 3.
(Stupanje na snagu)

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-367/20 od 30.09.2020. godine. Javna nabavka je provedena putem otvorenog postupka. Procijenjena vrijednost javne nabavke za LOT 3 je 9.401,71 KM bez PDV-a.

Članovi Komisije za nabavke (u daljem tekstu: Komisija) imenovani Odlukom o imenovanju Komisije za provođenje postupaka javnih nabavki Tužilaštva – Tužiteljstva BiH za 2020. godinu, broj: A-450/19 od 26.12.2019. godine i A-450-1/19 od 31.03.2020. godine, izvršili su pregled i utvrdili sljedeće:

- Ponuđač je dostavio Izjavu iz tačke 3.1.3 TD u kojoj nije naveo precizne podatke vezane za zahtjeve iz TD o tehničkoj i profesionalnoj osposobljenosti. Naime, za LOT 3 se u TD odjeljak 3.1.3 – Tehnička i profesionalna sposobnost traži od ponuđača da dostavi ovjerenu i potpisanu

izjavu da ispunjava uslove: „da posjeduje autorizaciju od strane proizvođača Hyundai za pružanje usluga servisa za vozila iz LOT 3“. U dostavljenoj Izjavi stranica 12. Ponude ponuđač između ostalog navodi da raspolaže ovlaštenjem za servisiranje i ugradnju originalnih i rezervnih dijelova za vozila marke Hyundai. Međutim, ponuđač ne navodi da je navedeno ovlaštenje izdato od proizvođača. Također, ponuđač nije dostavio dokaz kojim potvrđuje činjenice navedene u Izjavi i to: “kopiju autorizacije, sertifikata, potvrde, uvjerenja ili slično izdatu od strane proizvođača ili generalnog zastupnika da je ponuđač ovlašten za servisiranje i održavanje vozila“. Naime, ponuđač je dostavio (stranice 32 – 34 Ponude) ovjereni prevod ugovora o distributerstvu od 01.01.2003. godine zaključenog između lica Hyundai Motor Company iz Koree i Sejari Krafftfahrzeuge GMBH Njemačka kao predstavnik pravnog lica Hyundai Auto BH d.o.o. U navedenom ugovoru se nigdje eksplicitno ne spominje ovlaštenje pravnom licu Hyundai Auto BH d.o.o. da vrši usluge servisiranja i održavanja vozila navedenog proizvođača. S obzirom da postoji suštinska semantička razlika između pojmova distribucije i pojma servisiranja i održavanja to ugovorni organ čak i uvažavajući samo dostavljanje ugovora između proizvođača i ponuđača u smislu njegovog vrednovanja kao autorizacije, sertifikata, potvrde, uvjerenja ili slično izdatog od strane proizvođača ili generalnog zastupnika, ne može smatrati da je ponuđač ispunio zahtjev iz TD s obzirom na to da se u njoj eksplicitno zahtjeva takvo ovlaštenje za servisiranje i održavanje, a ne distribuciju vozila ili dijelova. S obzirom da ponuđač u ponudi nije dostavio traženi dokument na način kako je to traženo TD ovaj ponuđač se isključuje iz daljeg učešća zbog neispunjavanja navedenog uslova za kvalifikaciju.

S obzirom na navedeno, članovi Komisije su konstatovali da ponuda ponuđača Hyundai Auto BH d.o.o. Sarajevo nije prihvatljiva i uputili preporuku glavnom tužiocu Tužilaštva – Tužiteljstva BiH donošenje odluke o poništenju postupka javne nabavke iz razloga navedenih u članu 69. stav 1. i stav 2. tačka d) Zakona o javnim nabavkama BiH.

S obzirom na navedeno odlučeno je kao u dispozitivu ove odluke.

POUKA O PRAVNOM LIJEKU: Žalba se izjavljuje Uredu za razmatranje žalbi Bosne i Hercegovine putem Tužilaštva – Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.



Dostavljeno:

- Ponuđaču;
- Odjelu za mat.-fin. Poslove.